


滿洲名臣傳


冊上



庫文閣內		漢
三 函	二 一六〇 冊	三 三〇五 號
一 西	架	類

庫文閣內		漢
二 九	二	

內閣文庫		
番號	漢	2305
冊數	160 (59)	
函號	290	43



© Kodak, 2007 TM: Kodak



滿洲名臣傳卷三十

滿洲名臣傳卷三十

吳萬福

高爾位

興永朝

希福

閻興邦

焦安民

華善

蘇宏祖

李興元

施世綸

布延

武穆篤

范時崇

趙祥星

范承勳

諾岷

吳萬福

列傳

吳萬福奉天遼陽人初仕明為守備崇德七

年大軍圍松山萬福隨副將夏承德來歸隸

順和旂漢軍順治元年從征流賊李自成敘

滿洲名臣傳卷三十

一

功授騎都尉世職三遇

恩詔加二等輕車都尉十五年加都督僉事
充新設之福建福寧總兵康熙元年六月海
賊偽總兵王士鰲偽副將李禮泊船沙埕青
嶼山萬福遣使招撫士鰲禮悔悞投誠爲僞
水師都督阮述陳文達圍阻不得達萬福親
督兵夜馳踰嶺殺賊衆千餘援士鰲禮突圍
出二年十二月海賊阮春雷以船二十餘竊
據東蚶長腰外島窺福寧浙寇張煌言率五

十餘船入閩與春雷合適僞鎮林國樑統三
十餘船來歸機洩二逆合衆圍之國樑斬煌
言之弟嘉言復以砲碎賊船乞援于萬福萬
福以福寧向無舟師議因國樑之船攻賊遣
遊擊季應先劉成海等水陸夾剿擒斬數百
級奪船械毀東蚶長腰賊巢春雷煌言俱遠
遁事

聞得

旨嘉獎加都督同知三年三月春雷煌言復

集百餘艘泊三都青山等島萬福約水師總
兵李長榮夾勦長榮趨東衝口萬福統國樑
船直抵官井洋箭砲齊發斬賊二百餘級焚
其船五賊窘退出東衝口長榮師適至復進
擊賊北潰遂合兵追至大洋陣斬及溺死者
甚眾獲甲冑旂鎗無數復窮搜三都青山各
澳毀其巢春雷赴泉州降總督李率泰疏請
敘敘部議長榮加二級萬福加一級
上諭總兵李長榮吳萬福進剿一處賊寇攻

戰無甚懸殊再加核議尋議各加一級得

旨李長榮加署都督僉事吳萬福加右都督
十三年四月逆藩耿精忠叛萬福嬰城固守
城破死之全家被害十九年

詔褒卹殉難諸臣贈萬福左都督太子少保
賜祭塋諡忠愍除所得輕車都尉襲替外復
廢子弟一人守備三十五年福建巡撫卞永
譽請建祠于閩春秋致祭得

旨俞允雍正二年入祀昭忠祠曾孫瑞麟襲

輕車都尉十一年與都統趙宏濟會飲革職
銷去輕車都尉仍置騎都尉世襲同營瑞麟
子銀鑑鑑子國澍遠襲國澍今在廣西慶遠
副將萬福次曾孫祥麟襲難廕守備

高爾位列傳

高爾位漢軍正黃旗人父勳明錦州衛副將
從總兵祖大壽投誠爾位順治四年舉人初
任直隸南和知縣九年四月行取授監察衛
史十月巡按陝西十一年四月奏言邇來奸

徒營謀委署州縣佐貳昔之衙蠹地棍今之
典史職雖卑而有父母之呼兼有巡捕之責
無職而官非該管道府受賄因何濫委如任
縣典史揚顯耀等概係積蠹快皂惡棍鑽營
代捕小民莫敢誰何請

勅部行督撫確查充委官一併重處再州縣
乏員本府廳官負緣委署在府官待爲同堂
曲徇優容新任籍口結舌一惟唯唯至如州
縣積蠹事露鑽之府廳府廳衙蠹不法鑽之

司道恃衙門爲藏奸之藪視小民爲網中之魚統祈

天語申飭今後州縣乏員萬不能候新舊交代者須擇才品俱優之隔府官暫署如貪污不法道府立叅徇縱連坐各省大小衙門及在京五城積蠹概行革去并得

旨允行六月巡視中城奏言官餽駟馬州縣中十無一二民應者十八九鄉愚不能言應倩之駟棍勒索遂意然後代應遇軍機傳報

使客郵符竟無一馬駟棍逃避仍拘民應更可異者府廳司道總兵私遣員役皆騎馬雖屢奉

嚴諭而官役私牌日行州縣不敢不應又不敢冊報甚至私牌內有擅批上司免報者請今後一應紙票及過往叅謁各官統禁騎駟馬非兵部火牌勘合不許濫應違者駟傳道揭部請

旨重懲各省州縣駟馬里馬照賦役額設協

濟銀兩或鄰封協銀于每季終出毫不累民
甘結報部科查照有仍前者許科道糾叅不
發覺者連坐更有請者直隸正順廣大等八
府屬解運芝蔴棉花二項脚費數倍大爲民
害伏乞

敕部照陝省彙解葉材例責成本府不經民
手部議從之十二年六月巡按山西十三年
六月條奏晉省夙弊一司道府廳衙蠹犯賍
本官失察應議處一州縣到任十日內查前

任起存錢糧毋得逾定限道府徇隱者連坐
一見貨抽稅不得以無貨而包稅無舖而納
課致商賈裹足年有豐歉以有餘補不足並
下部議行十四年十月奏請布按監司內陞
未任事之先

皇上親試觀其年貌詢其政事才識兼優者
令任事年力衰邁平常者別用下部知之十
五年七月遵

旨條奏興利除害事宜一賈奏縣駟馬上不

許擅用大小皮包以恤駟困一陞遷大小官員不許預調夫馬衙役不許出境迎接一學臣考試進黜之數不可太懸每考必確訪學霸數名按律究擬並下部議行十八巡視兩淮鹽政十六年六月海寇鄭成功犯瓜州爾位出揚州城護解鹽課銀爲總督亢得時所劫

上諭高爾位身爲御史聞警卽當率屬護守乃賊尙未至先借端出城致令百姓驚逃深爲可惡令解任該督撫嚴察具奏十七年五月總漕蔡士英奏爾位于十六年六月十六日起解課銀十四萬兩次日賊陷瓜州卽出城送至高郵二十日回揚賊鋒甚熾恐致不虞于二十二日罄發庫項十一萬兩遣運判郭顯功押解進京舊例原無鹽院親送之條緣乏兵護解親送至淮安至七月二十四日回揚下吏部會同都察院議尋以爾位雖無城守責但聞警當協守城池乃以送鹽課

為詞兩次出城應議處事在
赦前免議得

旨俞允康熙三年三月內遷順天府府丞四
年兼理崇文門稅務十七年遷通政使十九
年正月授左僉都御史十二月遷奉天府府
尹二十二年擢刑部右侍郎二十三年轉左
二十五年丁母憂二十八年服闋補刑部左
侍郎兼管右侍郎事二十九年三月授佐領
三十年正月以疾乞休

諭照舊供職六月擢工部尚書十月以疏濬
成河浮估降補通政司叅職
命以所降之級休致四十年十二月卒年七
十有七

興永朝列傳

興永朝漢軍廂黃旗人初由筆帖式授吏部
主事遷本部員外郎康熙十三年逆藩吳三
桂反

上命刑部尚書莫洛經畧陝西莫洛察永朝

有才構以行嗣秦與安距漢中遼遠請復設
關南守道駐劄以資彈壓卽以永朝補授
詔允所請十四年興安遊擊王可成叛永朝
偕練兵黨塞出走西安事

聞下部議黨黨不能安輯士卒應解總兵官
以副將用永彰免議仍以道員用二十一年
補廣西蒼梧鹽法道二十六年遷四川按察
使明年擢偏沅巡撫二十八年三月疏言湖
南額田二十八萬餘頃徵地丁銀一百二十

四萬有奇今熟田十七萬餘頃徵銀七十二
萬有奇較原額不及十之六蓋自明季兵火
荒熟混淆豪黠者隱田漏課愚懦者業失糧
懸以致許訟日繁包賠滋累今計非丈量不
能清釐其法惟見田量田不遺尺寸熟者定
爲實徵荒者漸俟招墾糧隨田辦丁照糧編
更以弓口田形造魚鱗細冊存之公府藉爲
左券屬吏私行剝民臣必糾之奉公守法臣
必舉之至豪強侵隱多年當寬其旣往許自

首免罪又其事繁而且瑣勢必逾年完結難
拘常限衛所屯田原與民地相錯應同時舉
丈以杜門爍疏入

勅部議行並

諭丈地各官寔心任事勿藉端科派有滋擾
者照貪官治罪五月遷閩浙總督六月疏言
湖南有三事未竟一清丈荒蕪地畝方舉行
也清丈之事行之善利國十居四利民十居
六不善有司不難抑勒聚斂以病民恐臣赴

閩後官吏洩玩舞弊後之人必將以開端咎

臣一城下避風河不及興濬也長沙城西濱
湘江中多暗石船泊猝遇風濤觸裂覆溺近
擬於江岸掘口遶城北挖土成渠直接東城
蓄水廢塘引入江水此渠一成所全寔多且
挑濬之地離城不遠亦可恃作金湯臣與僚
屬寔費鳩工而今忽中止深爲可惜一月課
諸生之規恐有偏廢也湖南文風不振士習
多乖臣通行各學月舉一課供具格卷食饌

以守令爲之主長沙臣自主之數月以來諸
生旣以誦習爲功武斷把持之事亦覺漸減
倘從此一暴十寒依然在昔所爲中懷多疚
者也伏祈

天語告誡逐一遵行期收寔效下所司知之
三十一年調漕運總督三十二年七月疏言
淮揚鳳廬等屬地處大江以北所藝禾種或
紅或白各就土宜每有穢瘠之區雨暘不若
種本純而忽變雜或遇歉歲缺種春耕之際

得種卽下不辨色類歷任漕臣帥顏保慕天
顏並惟紅白兼收自康熙三十年漕臣董訥
請著爲例部臣恐有不肖之徒借此攬和議
駁臣思漕糧止期乾圓潔淨原不拘于種色
今歲根苗卽是來歲籽粒必欲分析於磨礱
簸揚之後殊多未便請不論紅白一體兼收
部議不准行

特旨俞允先是松江白糧旂丁掛欠米石部
議嚴追懲究並請

勅漕督詳議經久杜弊之法八月永朝上言
從前欠糧旂丁止議革運未嘗另立嚴條奸
頑蔑視無忌請嗣後白糧船運回之日如有
掛欠除革運追賠外仍做監守自盜律治罪
從之三十二年二月調廂黃旗漢軍副都統
閏五月因病罷尋以迎
駕失儀革職賞給藍翎侍衛三十五年從征
噶爾丹
命署副都統在火器營行走三十六年授廂

白旗漢軍副都統四十年正月自陳老病乞
解職得

旨興永朝前任督撫初無裨益兵民之事乃
稱經經自守不合着解退副都統五月卒年
七十

希福列傳

希福滿洲正紅旗人姓他塔喇氏世居安楚
拉庫路祖羅屯

國初率八百戶來歸列五大臣編佐領父哈

寧阿由護軍叅領隨征錦州松山大軍入山海關擊敗流賊李自成追至望都縣總敘前功授騎都尉世職卒子漢初罕襲從征蘇尼特部騰機思等陣亡贈三等輕車都尉弟班初罕襲遇

恩詔晉二等輕車都尉希福班初罕兄初任二等侍衛順治七年襲世職兩遇恩詔晉一等輕車都尉又一雲騎尉授護軍叅領康熙七年擢正黃旗蒙古副都統十三

年逆藩吳三桂叛希福隨大將軍順承郡王勒爾錦往湖廣剿禦十三年陝西提督王輔臣叛於寧羌據平涼秦州

命希福同雲貴總督鄂善等率現駐襄陽蒙古兵移守興安漢中十四年三月貝勒洞鄂征隴州復關山進兵秦州希福攻克東西二關十二年調守隴州十六年遷前鋒統領十七年閏三月

詔赴湖南駐守茶陵十一月隨簡親王喇布

由衡州之安仁縣進征十八年正月希福率
兵攻衡州府夜半薄城下統署前鋒叅領戴
屯等奪門入賊帥吳國貴夏國相等驚遁復
其城得

旨嘉獎下部議敘六月遷正紅旗滿洲都統
時偽將軍馬承蔭以南寧降

上命希福率所部兵赴廣西同鎮南將軍莽
依圖自南寧進定雲南十九年五月馬承蔭
復叛糾二萬眾迎戰於陶登希福偕副都統

馬世泰進擊之賊大敗遁追殲甚眾閏八月
奏南寧兵缺馬大軍深入途險遠恐誤軍機
上諭以柳州南寧桂林駐兵之馬通融給發
並趣都統瑪奇送馬赴南寧時莽依圖卒於
軍以都統賚塔爲征南大將軍十二月希福
隨賚塔至西隆州偽將軍何繼祖等踞石門
坎築城以拒二十年正月希福偕瑪奇等率
前隊履險進攻後軍繼進夾攻大敗之盡奪
隘口翼日乘勝馳安龍所復其城降偽總兵

陳義魁繼祖遁新城復糾偽將詹養等踞黃
草壩列象拒戰希福領前鋒進剿自卯至未
破賊營二十二獲象馬器械無算二月抵曲
靖復馬龍州等城並遣營總碩塔等馳剿嵩
明州斬闖入賊遁殲其眾遂會大軍圍雲南
省城吳世璠僭偽將胡國柄劉玘龍等犯我
軍希福率前鋒奮擊陣斬國柄玘龍及偽總
兵九人賊馬寶胡國柱等聞雲南圍急由四
川還救六月希福同提督桑格迎剿馬寶於

烏木山敗其眾馬寶遁姚安降於軍前九月
躡國柱等於鶴慶麗江復蹙之於雲龍州國
柱勢窮自縊王緒李匡等自焚死餘賊悉降
二十一年十一月擢西安將軍
諭曰陝西地方緊要因爾練習軍務特簡此
任須加意操演毋騷擾百姓至漢中必選精
兵戍守不得以疲弱者發往先是希福隨征
長沙失利部議革將軍世職

上念希福勞績甚多視本身加級從寬畱將

軍任及伊父二等都尉世職時川陝平定部
議將西安撥守漢中之滿洲將軍兵各一千
名撤半仍畱一千名輪戍二十五年希福以
棧道遞送勞苦疏請並撤部議不准
上曰蕩平以來漢中駐防無益朕不忍使兵
民交困其輪班戍守及永遠駐防俱着停止
二十七年復調正紅旗蒙古都統二十九年
噶爾丹擾塞外諸蒙古
上命裕親王福全征之希福叅贊軍事破賊

於烏蘭布通三十年以老乞休

上慰畱之三十一年四月調正紅旂滿洲都
統並授建威將軍統師駐右衛三十三年噶
爾丹師內向將侵根敦戴青

命希福率右衛兵同將軍費揚古等赴圖拉
禦賊尋疏請大同總兵康調元率綠旂兵三
千同行並請派發察哈爾兵

上以綠旂兵多則馬更少且滿洲兵有八千
所向無敵希福遇事疑阻令仍駐防右衛三

十四年兵部疏劾不收入旂撥送馬致糜錢
糧革職三十八年卒

閻興邦列傳

閻興邦漢軍廂黃旗人康熙五年由舉人授
廣西馬平縣知縣丁憂九年補直隸新城知
縣十年遷通州知州十六年入爲工部員外
郎二十一年遷御史洵遷鴻臚光祿寺卿二
十七年五月遷順天府尹六月擢河南巡撫
二十九年八月疏言豫省本年漕糧部議定

征本色數月來開歸彰衛懷河六府並汝州
各屬雨澤愆期二麥薄收秋穀鮮獲民赴隣
郡購買米價騰貴往返盤費幾倍正供若使
旱後未甦之民與各處歉收之地依期轉運
不惟力有不能亦勢所難辦請俟三十年徵
解以紓民力次年又以旱蝗請再停運俟三
十一年仍徵本色均下部議行三十年二月
疏報二十九年分墾荒田六萬四千餘頃下
所司知之初總河王新命議引小丹河濟運

詔下河南巡撫議至是興邦奏丹河發源晉
省入沁合黃並無大小之名因河東西百姓
開渠引水灌田澆竹小渠外復開大渠由河
內武陟修武獲嘉等縣直達衛河歸臨濟濟
漕始有小丹河之名河臣請於二月用竹絡
裝石橫塞各渠口洩細流以溉田餘水盡歸
小丹河濟運誠恐亢旱之年渠深田高焉能
灌漑欲灌田則誤運欲濟運則誤田查現在
重運俱由中河北上較昔甚早如雨水勻足

卽照河臣所議如遇亢旱請於每年三月初
一日起至五月十五日止令三日放水濟漕
一日下板塞口灌田周而復始五月望後漕
艘過完聽民灌漑庶田漕並濟下部議從之
三十一年十二月調貴州巡撫三十二年三
月疏言各省常平倉貯捐納米石部議糶米
易穀縣省自康熙二十八年冬至三十一年
終止共收過官員生俊捐貯米穀各五萬餘
石民少苗多商販寥寥一時未能盡數出易

應就現糶米買穀還倉餘俟次年再糶二三年米皆易穀不致紅腐備荒有賴從之四月疏言黔省康熙三十一年編審人丁部駁查明加增黔地徧小苗狝十居六七向不編征漢民更多寄寓並無恒產去來靡定難編入籍黔省賦役舊止徵一萬六千六百七十餘丁今已增多四千二百有奇若再編增恐不肖之員奉行不善將未成丁及老廢亡故寄寓者一概編入徵冊苦累小民乞俟下屆清

編時提督陳奇舉出提督衙門安順等府官庄歲收料穀一千三百餘石歸入編審共得熟田一千五百餘畝照例編徵銀米部以不符原數下興邦復勘興邦疏言提督官庄向因叛逆提督李本深占踞收租牧馬有與民均分者有給牛種而全收其租者亦有十收其六七者悉屬苛歛黔地恢復後民以提庄得免差役勉強供輸歷任提督相沿未改今若求符原數勢必另立科則田少糧多民苗

清洲各目傳 卷三十一
不堪苦累乞照所按編與民田一例徵輸均奉

特旨允行三十四年二月奏黔南人文繁盛請依廣西鄉試解額取中三十名又疏言黔省蕞爾會城附郭新貴貴筑二縣雖各有職掌至於編甲捕盜通行案緝等件奉文轉發不得不由縣互行一事而受兩番約束民多未便每以勢逼權分推委貽誤請裁新貴縣併入貴筑縣再黔處萬山中名爲一站險寔

千般各屬途隔二三日或三四日不等一遇缺員附近州縣在衝衢者既難舍己從人其偏僻之區深箐窮谷苗蠻出沒刻難乏員又虞鞭長莫及請於貴陽首府添設通判一員差委可以迅行署缺亦無憂兼顧實於吏治有裨均下部議行三十七年正月卒於官賜祭塋如例

焦安民列傳

焦安民漢軍正紅旗人初授吏部啟心郎崇

德九年甄別各部院官安民列二等

賜人戶牲畜八年考滿授佐領順治元年遷山西雁平道二年四月擢寧夏巡撫疏言雁平村舍凋零寇盜充斥守備上官清都司鄭應亨晝夜巡緝士民得安請攜二人隨往寧夏委用從之十一月

上諭督撫等宜力封疆躬勤勞苦茲值嚴寒尤深注念

賜安民綿裘貂掛各一十一月疏言臣巡歷

河東諸營堡惟靈州營水灌沃壤兵多務農餉或不足猶可藉農養贍其餘營堡兵皆鶻衣百結鵠立難支查靈營西南有民堡八向招人耕種屯糧以供兵馬需近因花馬興武等營歲荒將此項屯糧通融分給以資接濟伏思守土在軍足食在農斯時有荒可墾苦無牛隻現存耕牛六十一隻堪給兵開墾又原任總兵南一魁將舊存馬價銀二百兩製弓矢攜去應追原價入庫守驛久廢稽公務

請將此銀買驢騾發附郭等驛稍供走遞庶
資奏無誤又言寧兵月餉現在屯課征收者
支放殆盡貧民逋欠者追比難完三軍枵腹
待哺請撥秦餉三萬兩以濟飢兵下部議如
所請三年三月副將王元馬德以營兵趙銳
等罪責入獄乘釁統眾突入撫署安民遇害
元德等尋伏誅安民贈右都御史廕一子
賜祭葬如例

華善列傳

華善滿洲廂黃旗人姓伊爾根覺羅氏世居
佛阿拉地方祖塞楞鄂哈思瑚
國初來歸華善其五世孫也順治元年任筆
帖式二年授雲騎尉五年遷刑部主事九年
恩詔加騎都尉世職十年遷本部郎中十三
年八月隨寧海大將軍伊爾德勳舟山海寇
陳六御阮思華善率所部舟師直前陷陣身
被數創力戰斬賊二人部卒繼進遂敗賊舟
山平敘功加一雲騎尉康熙元年同吏部郎

滿洲名臣傳 卷二十一

三

中陳一柄赴廣東安輯降卒三年疏報偽督
杜輝率偽官百餘員兵二千餘來獻南澳地
偽將軍張雄鄭夢蛟偽監軍莊夢侯等各繳
偽關防牌剖投誠給口糧願歸農者安置從
戎者入伍章下所司五年授兵部督捕理事
官七年遷太僕寺卿八年授內宏文院學士
九年五月

命巡撫甘肅疏言寧州地處邊鄙土瘠賦重
近因歲歉民逃地荒請將本州錢糧照正寧

縣一例徵收其逃荒地丁豁免從之十一年
三月疏言鞏昌所屬西和禮縣去歲疫癘盛
行牛驢倒斃亦眾若待請始賑恐播種愆期
災民殘喘難待已發帑銀買耕牛給籽種計
口量賑部議華善違例擅發應令賠補
詔優免十三年冬陝西提督王輔臣叛於寧
羌十四年正月叛黨趙士昇等犯鞏昌蘭州
勢孤華善檄甘肅提督張勇總兵孫思克王
進寶來援未至蘭州遊擊董正已應賊城且

陷官民固請華善以身免作恢復計二月華善乃與按察使伊圖自蘭城出西渡河至永昌與勇進寶會議進取策疏入

賜勅假勇事權得便宜行事

詔授勇靖逆將軍華善偕勇進寶出蘭州臨鞏路令寧夏鎮陳福出靖遠路思克防大靖蘆塘索橋等處各分兵進嗣進寶先渡河東華善慮其軍孤遣遊擊黃鉉守備李守魁率騎進援至新城進寶與賊戰鉉等從旁掩擊

陣斬數百級擒賊將李廷玉郭虎三月進圍蘭州時叛將潘瑀據洮州曾文耀據河州厄魯特爾達加岱成等乘隙入寇肆掠人口牛畜四月華善乃雷進寶伊圖蘭州親統兵赴臨洮勦禦遣土司揚朝樑攻洮州副將楊三元攻河州並逐厄魯特人眾出境瑀文耀遁走遂復河洮二城河西乃寧閏五月華善領兵圍鞏昌賊困突出我兵奮擊多斬獲賊敗入城輔臣遣將李國樑援鞏昌華善發兵邀

賜朝衣一襲免丁四名八年考滿稱職給雲
騎尉順治元年授河南河北道三年遷山東
布政使五月調陝西布政使九年三遇
恩詔晉三等輕車都尉十五年五月巡按御
史高爾位劾該督等計典失實連及註考藩
臬宏祖降二級調用十一年補福建布政司
左叅政分守福寧道十三年遷左僉都御史
十五年六月擢南贛巡撫十七年四月山賊
李玉廷糾黨雩都負固劫掠宏祖發贛城兵

捐資製火器奮勇搗巢玉廷就擒事

聞下部議敘尋以老病乞罷

上未許時賊渠謝上遠結海寇鄭成功併糾
羅一鑑徐黃毛等賊踞廣東平遠五指石界
連閩贛六月宏祖會閩粵兵合剿上遠詐降
潛逃紅畚宏祖授將材李宗韜以計擒斬一
鑑黃毛等七人乘夜進攻賊倉皇遁走連追
至柑子窩中木溪悉捕斬遂毀五指石寨進
勦紅畚諭賊黨縛渠自首得免罪未幾賊縛

清史各目傳卷三十一
上達獻誅之十八年五月遣遊擊王把什勦
廣昌賊乘雨攻不備連破滴水羊石二寨斬
千餘級擒賊渠幸連昇蕭來信敘功加一級
時地方初定學宮傾圮宏祖首倡捐修康熙
元年二月甄別督撫大臣
命宏祖以原官致仕三年四月卒
賜祭葬如例

李興元列傳

李興元遼東人隸漢軍廂黃旗順治五年由

拔貢生授直隸沙河縣知縣卓異遷祁州知
州洵歷江西吉安府知府康熙五年改補直
隸永平府知府查解逃人六十名以上敘功
卽陞七年遷長蘆鹽運使八年轉陝西隴右
道十一年擢雲南按察使時
命察釋藩下佔民間子女爲奴者興元力遵
行十二年十一月逆藩吳三桂反集眾脅受
僞職興元厲聲抗言曰汝內爲國戚外封親
王受

恩最重何爲叛我爲大夫可殺不可辱惟一
死以報

朝廷吳逆加以累繫及其家闔六載終不稍
屈十八年十月大兵恢復湖南時三桂已死
逆孽世璠徙興元於蒙化十九年大兵入黔
逆勢日蹙僞閣部郭壯圖棄黔回滇慮腹患
十月遣賊黨絞死興元家口仍羈候二十年
十月大兵困滇城興元二子蔭秀奇秀俱被
殺雲南平其第三子萃秀詣軍前申訴其事

二十一年巡撫王繼文察核得實具疏請卹
得

旨李興元贈太常寺卿廕一子入監讀書雍
正七年入祀昭忠祠乾隆十六年

特旨李興元雖從前未賞世職但爲國効忠
情甚可憫着加賞給恩騎尉世襲罔替萃秀
由廕生授四川廣安州知州累遷湖廣安陸
府知府元孫肇祥襲恩騎尉由鑾儀衛治儀
正授直隸懷柔都司調入溝都司四十一年

遷廣東韶州遊擊

施世綸列傳

施世綸漢軍順黃旗人靖海侯琅仲子康熙二十四年以廕生授江南泰州知州二十八年正月以承修京口沙船遲誤部議降調督臣傅拉塔以世綸清廉公直題畱得旨施世綸居官好准畱任三月擢揚州知府三十年八月海潮驟漲泰州范公堤衝塌千九百餘丈民田竈地多沒世綸牒請捐修三

十二年調江寧知府三十五年丁父憂督臣范承勳以世綸輿情愛戴請在任守制御史胡德邁特疏應行離任遂歸連丁母憂歲餘特旨授蘇州知府仍以終制辭不赴三十八年服闋授江南淮徐道四十年十月湖南按察使員缺大學士伊桑阿等以九卿保舉世綸入奏

諭曰施世綸朕深知之其操守果廉但遇事偏執百姓與生員訟彼必護庇百姓生員與

縉紳訟彼必護庇生員夫處事惟求得中豈
可偏私如施世綸者委以錢穀之事則相宜
耳十二月遷湖南布政使先是議遷五開衛
署於平屯俾黎平府專城而治四十一年世
綸牒稱五開衛界黔粵控蠻爨實爲辰沅靖
州之藩籬明宣德年間黔省黎平府數有苗
患爰僦衛城建府署

國朝因之自康熙二十七年府衛官弁不和
始有遷衛之議平屯僻處一隅不惟建造無

資孤立堪虞若官軍兩遷一旦棄田園壞廬
舍必致流離失所若僅遷衛署貢賦出納遙
轄最難矧自明迄今府衛同城軍兵相安無
事請仍舊便議久不決嗣總督喻成龍巡撫
趙申喬會疏以

聞

特旨俞允四十二年以衡州府之安仁嘉禾
臨武永州府之江華寶慶府之城步及郴州
之桂陽靖州之通道天柱向止訓導一員請

添設教諭又永定銅鼓二衛止設教授綏寧
會同二邑止設教諭俱請添設訓導
勅部議行四十三年調安徽布政使四十四
年遷太僕寺卿四十五年二月因湖南任內
失察兵掠當舖事罷職三月
特旨授順天府尹疏陳四款一禁五城司坊
擅理詞訟一禁奸徒包攬捐納一禁牙行要
估貨物一禁逐流娼歌宴
勅部議定爲令四十八年授左副都御史兼

管府尹事四十九年遷戶部右侍郎督理錢
法尋調總督倉場五十四年奉

命巡撫雲南會漕運總督缺員卽以世綸補
授先是漕運俱由瓜州開行其闢下花園港
乃漕艘停泊處至是江漕北趨花園港衝塌
百餘丈世綸移咨河臣恐糧艘遲滯權將遠
城河開壩行五十九年七月

上諭總漕施世綸居官素優歷年漕船俱催
躉全完並無遲誤本年漕船已經過淮更無

他事漕運印務暫交與河道總督趙世顯署
理施世綸速赴豫省將河南府至西安黃河
輓運路逕勘明具奏陝西現存穀石數目亦
着查奏今陝西正值軍興之際施世綸暫居
陝西協同總督鄂海辦理世綸乃溯上流尋
求古蹟九月疏言河南府孟津縣至陝西太
陽渡大小數十餘灘緯路高低不等或在河
南或在河北惟圪把窩魚林漆等處緯路年
久間有坍卸其澠池以下水道下水船可載

糧三百餘石上水載及其半澠池以上河高
迅及僅可輓數十石由砥柱至三門神門本
無緯路若小舟乘東南風猶或可上鬼門水
勢洶湧土人從未行舟惟人門稍緩石崖鑿
有緯路路旁鑿有方眼又有石鼻臣愚以爲
石鼻可穿鉄索方眼可裝木限援手助力觀
此則從前輓運其蹟猶存自陝州至西安府
河水平稔俱有輓運路逕臣謹繪圖呈
覽又奏河南府至陝州三門現在無船請自

河南府至陝州太陽渡三百餘里用車運計五日可到每車可裝穀八石計穀二十萬石需車價銀四萬三千七百五十兩自太陽渡至西安府黨家馬頭河平稔水運爲便需運費銀二萬六千兩自黨家馬頭至西安府倉二十里又需車價銀四千兩其貯穀口袋二十萬餘需價銀三萬兩共計銀十萬三千七百五十兩總於豫省支銷不令陝西接運但運穀二十萬石止得米十萬石請令豫省以

二穀易一米起運則運價可省半若慮米難久貯請照例出陳易新奏入

嘉其詳悉從之十月

上諭陝西地方現有軍務又年歲歉收總漕施世綸協同總督鄂海勳支倉穀散賑但地方官員大半悉在軍前辦事之人殊少發帑金五十萬並陝西常平倉貯穀百三十餘萬石酌量動用派部院司官往賑文施世綸總管六十年四月疏言陝西四月無雨秋成可

慮豫省先運米十萬石督臣已借支駐防兵
餉所存無幾請足豫省將後運米石運到平
糶再撥河南湖廣米各十萬石運至陝西存
貯備用下部議如所請六月
命歸淮南理漕事六十一年四月以病乞休
溫旨慰留令其子廷祥馳驛省視五月卒遺
疏入請隨父琅墓附葬閩省
上允之

諭曰施世綸簡任總漕清慎自持勤勞素著

歷年催償無悞前因病請改任方冀調理痊
愈以副眷懷忽聞溘逝深為軫惻應得卹典
察例具奏尋
賜祭葬如例

布延列傳

布延姓郭爾羅特氏原籍蒙古居察哈爾部
為塔布囊天聰元年同昂坤社稷來歸隸滿
洲正黃旗初從征棟夔為貝勒岳託鄉導率
先進擊又征克什克騰部擊索諾木諾木齊

滿洲名目傳 卷三十一
兵首衝陣破之四年偕叅領圖魯什畧明邊
敗其哨卒有俘獲八年正月偕圖魯什畧錦
州松山斬百餘級獲樵車百餘騾驢牛百匹
十
命以所獲賞將士十月畧十三站斬十級擒
明把總獲馬三十二月遣迎察哈爾降眾是
年敘來歸功授騎都尉世職九年同布哈塔
布囊畧寧遠俘獲歸比出邊明兵千餘追布
哈陷於陣哈談巴圖魯前行還戰馬中矢仆

布延急進援與之馬復同奮擊大敗敵兵論
功

賜人一馬二牛三授三等輕車都尉崇德元
年二月

命賚書

諭明松棚路潘家口董家口喜峰口守將責
明偏助葉赫構起兵端及致書不答之罪五
月隨武英郡王阿濟格征明燕京遇敵盧溝
橋敗之三年二月從征喀爾喀前鋒將領勞

薩達

上命得蒙古漢人收其財物牲畜縱之去論
死布延議削職鞭百贖身

上宥之七月擢議政大臣兼護軍統領九月
隨岳託証明由密雲東北牆子嶺毀邊入明
馬步兵三隊俱敗走布延追擊獲馬八十七
四年率兵防守烏欣河口偕侍衛阿爾薩蘭
圍松山布延設伏擊斬二十一級偵錦州斬
哨卒八獲馬十二五年隨睿親王多爾袞圍

錦州同左翼軍衝敵步營斬盈壕六年三月
以多爾袞達

論離城遠注又私遣軍士還布延不諫阻議
削職籍其家之半

特旨降罰未幾鄭親王濟爾哈朗克錦州外
城布延同內大臣伊爾登奮擊有功

賜白金晉二等輕車都尉時錦州之役多爾
袞濟爾哈朗更番相代明總督洪承疇率兵
十三萬來援八月

高麗自傳卷三十一

上親統大軍征之明兵遁移

輝松山還城濬濠夜明總兵曹變蛟衝圍突

犯

御營尋中創奔回布延以內大臣不嚴防守

論罰鍰七年二月我軍擊於洪承疇布延以

援兵後至論死

命贖免十一月大兵自黃崖口征明分三隊

布延率護軍居次進圍薊州順治二年

世祖章皇帝念

一
山
出
圖
書
府

日
月
星
辰
圖
書
府

天
保
三
年

